



VIJEĆE ZA ŠTAMPU u Bosni i Hercegovini

samoregulacijsko tijelo za štampane i on-line medije

www.vzs.ba

e-mail: info@vzs.ba tel: + 387 33 272 270

Broj: 105-02/15

Datum: Sarajevo, 01.04.2015.

Federalna uprava policije

Mehmeda Spahe 7, 71 000 Sarajevo

Predmet: Zahtjev za otkrivanje i procesuiranje počinitelja hakerskog napada na portal agencije Patrija, www.nap.ba

Poštovani,

Srdačno Vas pozdravljamo iz Vijeća za štampu u Bosni i Hercegovini, samoregulacijskog tijela za štampane i online medije.

Obraćamo Vam se sa zahtjevom za hitno otkrivanje i procesuiranje počinitelja hakerskog napada na portal agencije Patrija, www.nap.ba

Obaranje portala www.nap.ba desio se u nedjelju, 29. marta 2015. godine u 22 sata. Stranica novinske agencije Patria bila je hakirana punih 12 sati i agencija nije bila u mogućnosti da radi i obavlja svoj posao distribucije informacija medijima i javnosti.

Bez obzira što arhiv tekstova i fotografija agencije nije uništen niti mijenjan, šteta je agenciji nanešena samim time da 12 sati nije bila online, gubeći tako posjećenost i klijente.

Ovo je drugi put da je agencija Patria na meti hakera u posljednjih godinu dana. Prošlogodišnji napad također je uredno prijavljen policiji, ali ova agencija nije nikada dobila odgovor o preduzetim aktivnostima otkrivanja hakera.

Podsjećamo da je u 2014. godini također bilo puno hakerskih napada i obaranja web portala u nekoliko najvećih web medija u BiH, jednako kao i web stranica Vijeća za štampu u BiH.

Rješavanje tih problema jednako je važno i u cilju zaštite medijskih sloboda i informiranja, kao i sigurnosti novog načina komuniciranja i korištenja interneta, za što su određene službe policijskih agencija MUPa zadužene.



VIJEĆE ZA ŠTAMPU u Bosni i Hercegovini

samoregulacijsko tijelo za štampane i on-line medije

www.vzs.ba

e-mail: info@vzs.ba tel: + 387 33 272 270

Tim više, što osobe, koje na takav način ugrožavaju rad online medija i press agencija, u puno slučajeva to čine iz puke zabave, misleći da nisu podložne zakonima, i nisu svjesne štete koju čine neodgovornim ponašanjem u virtualnoj sferi interneta, ugrožavajući druge.

To dokazuje i poruka koju su, nakon obaranja portala agencije Patrija, hakeri poslali redakciji, objašnjavajući kako i zašto su to učinili, kao da je u pitanju igra, a ne zaustavljanje i ugrožavanje ozbiljnog posla kojeg press agencija obavlja.

Imajući u vidu sve ove činjenice, Vijeće za štampu u BiH, kao samoregulacijsko tijelo za štampane i online medije, čija je zadaća zaštita medija od političkih, ekonomskih i svih drugih oblika pritisaka koji ugrožavaju slobodu medija i informisanja, upućuje vam Zahtjev za hitno identificiranje osoba koje su hakirale portal agencije Patrija, kako bi njihovo sankcioniranje bilo primjerom i za druge koji imaju namjeru ubuduće ugrožavati posao i rad medijskih web portala.

Upravni odbor
Vijeća za štampu u BiH